

Lotu Talaange ki he fānaú kuo taimi ke fai ‘a e lotu tukú. Fehu‘i ange, “Te ke lava fēfē ke ‘apasia lolotonga ‘a e lotú?” Tokoni kiate kinautolu ke ako e kūnimá, punou honau ‘ulú pea kuikui honau matá lolotonga ia ho‘o fai e lotú. Fakamanatu ki he fānaú ‘oku tokoni kiate kinautolu hono fai ‘ení ke fakahā ai ki he Tamai Hēvaní mo Sisū ‘oku tau ‘ofa ‘iate Kinaua. Fakamālō‘ia‘i kinautolu ‘i he‘enau ‘apasiá.

NGAAHI ‘EKITIVITĪ KE FILI MEI AÍ


TEUTEÚ *Ki he ‘ekitivitī tohi fakatātaá:* ‘Ai ha tatau ‘o e fakatātā ‘i he peesi 87; valivali kapau ‘e fie ma‘u. Kosi ‘i he laine ‘oku faka‘ilonga‘í ke fa‘u ‘a e tāpuni ‘e ua. Peluki atu ‘a e tāpuní ke fakapuliki ‘a e tā fakatātaá.

Ki he ‘ekitivitī valivalí: ‘Ai ha tatau ‘o e fakatātā ‘i he peesi 87 ma‘á e fānaú ke nau valivali. Kosi ‘i he laine hokohokó ke fa‘u ‘a e ngaahi tohi fakatātā ma‘á e fānaú.

Tohi Fakatātaá Puke ki ‘olunga ‘a e fakatātā na‘á ke teuteu‘í, ‘a ia ‘oku fakapuliki ‘a e fakatātaá ‘aki ‘a e ongo tāpuní. Talaange ki he fānaú te ke faka‘ali‘ali ange kiate kinautolu ‘a e ngaahi fakatātā ‘e nī‘ihi ‘a ia ‘okú ne fakahā mai kiate kinautolu ‘a e founga ke tau ‘apasia ai lolotonga ha lotu. Fakaava ‘a e tāpuni ki ‘olungá pea lau ‘a e ngaahi lea ‘oku ‘i loto ‘i he tāpuní. Fai ‘a e me‘a tatau ki he tāpuni ‘i laló. Toe fai ‘a e ‘ekitivitī; fakaafe‘i ‘a e fānaú ‘i he taimí ni ke fakaangaanga e punou honau ‘ulú, kuikui honau matá mo kūnima.

‘Ekitiviti Lau Māú Lau ‘a e maau ko ‘ení pea fakaafe‘i ‘a e fānaú ke kau fakataha mo koe:
 Fakaava, tāpuni‘i kinautolu; (*folahi mo kuku e nimá*)
 Fakaava, tāpuni‘i kinautolu; (*folahi mo kuku e nimá*)
 Fai ha ki‘i pasipasi. (*pasi e nimá*)
 Fakaava, tāpuni‘i kinautolu; (*folahi mo kuku e nimá*)
 Fakaava, tāpuni‘i kinautolu; (*folahi mo kuku e nimá*)
 Hili ‘i ho fungá kinautolu. (*puke fakataha e nimá ‘i ho fungá*)

Valivalí ‘Ai ‘a e fānaú ke nau valivali ha tatau ‘o e tohi fakatātā na‘á ke teuteu ma‘a kinautolú.




NGAAHI TOKONI FAKAFAIAKÓ

Fakamālō‘ia: “‘Oua na‘á ke fakapale‘i e anga ‘apasiá ‘aki ha ngaahi pale pe ko ha me‘atokoni. ‘Oua ‘e fai ha fe‘au‘auhi ke sio pe ko hai ‘e lahi taha ‘ene loto ‘apasiá. ‘Oku fakatefito leva ia ‘i he ngaahi me‘a ‘oku halá. Ako‘i e ngaahi fakapale totonu ‘o e ‘apasiá, hangē ko e tupulaki ‘a e mahinó pea mo e mālohi ‘o e Laumālié” (*‘Oku ‘Ikai Ha Ui ‘e Mahu‘inga Ange ‘i he Faiakó, 94*). ‘Oange ki he fānaú ‘a e lea faka-mālō pau ‘i he taimi ‘oku nau ‘apasia ai; hangē ko ‘ení: “‘Oku ou sai‘ia ‘i he founga ‘oku tangutu ‘apasia ai ‘a Melé. Mālō ‘aupito, Mele.”

Valivali: Lolotonga ‘a e valivali ‘a e fānaú, toe fakamanatu ‘a e ngaahi tefito‘i mo‘oni na‘e ako‘i ‘i he lēsoní. Tuhu‘i ange ‘a e ngaahi fakaikiiki ‘oku hā ‘i he fakatātaá pea fakamatala‘i ange kiate kinautolu ‘a e me‘a ‘oku nau valivalí. Lau ‘a e ngaahi lea ‘oku ‘i he fakatātaá kiate kinautolu.



‘Oku ou kui kui pea
punou mo hoku ‘ulú



peá u kūnima lolotonga
hono fai e lotú.